

Broj:01- 02/2-109/24 SK
Sarajevo, 24.01.2024. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BIH
PREDSTAVNIČKI DOM PARLAMENTA FBiH
n/r gđin. Ivan Miličević, sekretar

Primljeno: 29-01-2024			
Org. jed.	Broj	Priloga	Vrijednost
05/1	- 02 -	14/	24

n/r gđin. Haris Šabanović, zastupnik

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE
n/r gđa. Edita Kalajdžić, sekretar

Predmet: Odgovor na zastupničko pitanje, **dostavlja se-**

Veza: Akt sekretara Predstavničkog doma Parlamenta Federacije Bosne i Hercegovine, broj: 05/1-02-14/24 od 11.01.2024. godine i akt sekretara Vlade Federacije Bosne i Hercegovine, broj: 03-04-74-6/2024 od 15.01.2024. godine

Poštovani,

Federalnom ministarstvu rada i socijalne politike je putem Vlade Federacije Bosne i Hercegovine, aktom broj: 03-04-74-6/2024 od 15.01.2024. godine, dostavljen dopis sekretara Predstavničkog doma Parlamenta Federacije Bosne i Hercegovine broj: 05/1-02-14/24 od 11.01.2024. godine, u prilogu kojeg je dostavljeno poslaničko pitanje koje je ovom Ministarstvu na nastavku 6. redovne sjednice Predstavničkog doma Parlamenta Federacije Bosne i Hercegovine postavio poslanik Haris Šabanović, a koje se odnosi na raspodjelu prihoda ostvarenih u budžetu FBiH po osnovu naknada za priređivanje igara na sreću, sa aspekta nadležnosti Federalnog ministarstva rada i socijalne politike (u daljnjem tekstu: Ministarstvo) dostavljamo odgovor kako slijedi: Prije svega ističemo, s obzirom da su navedena sredstva iz 2023. godine ostala neraspodijeljena, sredstva iz 2024. godine će biti uvećana za iznos neraspodijeljenih sredstava iz prethodne kalendarske godine. Naime, radi se o iznosu od 728.458,82 KM, koji je ostao neraspodijeljen, a koji će se kvantitativno raspodijeliti na nadležna ministarstva prema procentima utvrđenim dole navedenom Uredbom, na način da će ovom ministarstvu pripasti 20% od iznosa neraspodijeljenih sredstava iz 2023. godine. Ministarstvo je, dana 08.03.2023. godine, u skladu sa Uredbom o kriterijima za utvrđivanje korisnika i načinu raspodjele prihoda ostvarenih po osnovu naknada za priređivanje igara na sreću („Službene novine Federacije BiH“, br. 89/15, 11/17 i 87/22), raspisalo Javni konkurs za finansiranje projekata i programa iz sredstava dijela prihoda ostvarenih u Budžetu Federacije Bosne i Hercegovine po osnovu naknada za

priredživanje igara na sreću. Predmet Javnog konkursa je raspodjela sredstava iz dijela prihoda ostvarenih u Budžetu Federacije Bosne i Hercegovine po osnovu naknada za priredživanje igara na sreću, koji se uplaćuju u skladu sa Zakonom o igrama na sreću ("Službene novine Federacije BiH", br. 48/15 i 60/15).

Naime, Federalno ministarstvo finansija je polovinom februara 2023. godine, Ministarstvu dostavilo informaciju o iznosu sredstava prikupljenih od igara na sreću koja se u skladu sa Uredbom za 2023. godinu raspodjeljuju na sljedeći način:

Federalno ministarstvo rada i socijalne politike (20%)	728.458,82 KM
Federalno ministarstvo nauke i obrazovanja (15%)	546.344,11 KM
Federalno ministarstvo kulture i sporta (40%)	1.456.917,64 KM
Federalno ministarstvo zdravstva (15%)	546.344,11 KM
Federalno ministarstvo razvoja, poduzetništva i obrta (10%)	364.229,41 KM

Ovakav način raspodjele sredstava prikupljenih od igara na sreću, prema kojem je ovom Ministarstvu za raspodjelu pripalo samo 20% od ukupnog iznosa sredstava, odnosno 728.458.82 KM, rezultat je stupanja na snagu Uredbe o izmjenama Uredbe o kriterijima za utvrđivanje korisnika i načinu raspodjele prihoda ostvarenih po osnovu naknada za priredživanje igara na sreću („Službene novine Federacije BiH“, broj: 87/22), koju je donijela prethodna Vlada, te na taj način udruženjima osoba sa invaliditetom, žrtvama porodičnog nasilja i građanima koji žive ispod linije siromaštva oduzela oko 1,2 miliona KM, na način da je ta sredstva usmjerila za finansiranje projekata iz oblasti kulture i sporta. Naime, Uredba o izmjenama i dopunama Uredbe, koju je donijela prethodna Vlada, stupila je na snagu 01.01.2023. godine, te je istom izmijenjena raspodjela navedenih sredstava po ministarstvima, na način da su ovom Ministarstvu ta sredstva smanjena sa iznosa od 50% na iznos od 20%, te ista u najvećem dijelu preusmjerena na projekte iz oblasti kulture i sporta i manji dio na projekte iz oblasti razvoja, poduzetništva i obrta. Imajući u vidu da je prije donošenja pomenute Uredbe o izmjenama i dopunama Uredbe, odnosno u 2022. godini ovom Ministarstvu pripadalo 50% ukupnog iznosa sredstava od igara na sreću, odnosno 1.917.134.01 KM, to je prethodna Vlada na taj način od najugroženijih kategorija društva oduzela oko 1,2 miliona KM.

DOKAZ: Uvid u član 5. Uredbe o kriterijima za utvrđivanje korisnika i načinu raspodjele prihoda ostvarenih po osnovu naknada za priredživanje igara na sreću sa izmjenama, objavljen na web stranici ministarstva www.fmrsp.gov.ba, u obavijesti pod naslovom [Hronologija – Javni konkurs za finansiranje projekata i programa iz sredstava dijela prihoda ostvarenih u Budžetu FBiH po osnovu naknada za priredživanje igara na sreću](#)

Na Javni konkurs objavljen dana 08.03.2023. godine, prijavu je podnijelo 159 aplikantata, a s ciljem realizacije Javnog konkursa, Ministarstvo je formiralo Komisiju za pregledanje i provjeru formalne ispravnosti podnesenih zahtjeva, u smislu njihove blagovremenosti, potpunosti i ispravnosti. Komisija je sačinila izvještaj u kojem je navela da od 159 aplikantata prijave 102 aplikanta nisu formalno ispravne, što je manje od 50% realizacije, odnosno oko 64% prijave aplikantata nije ušlo u daljnju konkursnu proceduru koja podrazumijeva ocjenu i bodovanje predloženih projekata. Dakle, samo 57 aplikacija je zadovoljilo uslove u pogledu formalne ispravnosti, te je samo tih 57 aplikacija steklo uslov da budu predmet ocjene i bodovanja predloženih projekata. S obzirom da su utvrđeni formalni nedostaci u navedene 102 aplikacije bili uglavnom

tehničke prirode, u smislu da nije ispunjen jedan ili više kriterija koji se odnose na tehničku ispravnost dokumentacije i tome slično, te da ni na koji način ne oslikavaju suštinsku vrijednost dostavljenih projekata, Ministarstvo je razmotrilo mogućnost pronalaska rješenja koje će dovesti do uspješnije realizacije Javnog konkursa. Naime, veliki broj aplikacija za koje je utvrđeno postojanje formalnih nedostaka je posljedica činjenice da je 01.01.2023. godine stupila na snagu Uredba o izmjenama Uredbe o kriterijima za utvrđivanje korisnika i načinu raspodjele prihoda ostvarenih po osnovu naknada za priređivanje igara na sreću, koju je donijela prethodna Vlada, a kojom je izmijenjena dokumentacija koja se dostavlja uz prijave, te po prvi put predviđeno bodovanje općih kriterija, što umnogome doprinosi smanjenju prolaznosti projekata udruženja koja imaju manje realizovanih projekata u periodu prije objave Javnog poziva. Iz navedenog jasno proizlazi da je veliki broj udruženja usljed navedenih izmjena imao određene tehničke propuste prilikom podnošenja zahtjeva, a kao posljedica činjenice da su se zahtjevi po prvi put podnosili u skladu sa izmijenjenim uslovima, što upravo ide na teret Federalnom ministarstvu finansija i prethodnoj Vladi zbog izmjena koje nisu dovoljno jasno iskomunicirane zainteresovanoj javnosti.

DOKAZ: Uvid u Uredbu o izmjenama Uredbe o kriterijima za utvrđivanje korisnika i načinu raspodjele prihoda ostvarenih po osnovu naknada za priređivanje igara na sreću („Službene novine Federacije BiH“, broj: 87/22)

S tim u vezi, utvrđeno je da je realizacija konkursa ispod najniže granice, te da je potrebno donijeti odluku o poništenju navedene konkursne procedure i da će Ministarstvo raspisati novi Javni konkurs kako bi se sredstva racionalno iskoristila, te kako bi se aplikantima pružila mogućnost ponovne prijave i ispravke formalnih nedostataka. Također, a kako bi se aplikantima olakšao postupak ponovne prijave i smanjenje troškova, Ministarstvo je omogućilo svim prijavljenim aplikantima da izvrše povrat dokumentacije, kako bi se mogli prijaviti na ponovni Javni konkurs. Dakle, osnovni razlog poništenja Javnog konkursa ogledao se u namjeri da se većem broju udruženja omogući da dođu u priliku da se njihovi projekti za unaprjeđenje položaja osoba sa invaliditetom ocijene i boduju, a ne da isti budu eliminisani iz dalje procedure isključivo zbog formalnih propusta, koji su opet posljedica donošenja Uredbe o izmjenama i dopunama Uredbe, koja je stupila na snagu 01.01.2023. godine, te koju je donijela prethodna Vlada.

DOKAZ: Uvid u Odluku o poništenju Javnog konkursa za finansiranje projekata i programa iz sredstava dijela prihoda ostvarenih u Budžetu Federacije Bosne i Hercegovine po osnovu naknada za priređivanje igara na sreću, objavljen na web stranici ministarstva www.fmrsp.gov.ba, u obavijesti pod naslovom [Hornologija – Javni konkurs za finansiranje projekata i programa iz sredstava dijela prihoda ostvarenih u Budžetu FBiH po osnovu naknada za priređivanje igara na sreću](#)

Nadalje, istovremeno sa poništenjem objavljenog Javnog konkursa, Ministarstvo je Vladi Federacije Bosne i Hercegovine još u maju 2023. godine uputilo inicijativu za izmjene i dopune pomenute Uredbe, na način da se sredstva prikupljena od igara na sreću u najvećem dijelu usmjere na poboljšavanje teškog položaja u kojem se nalaze osobe sa invaliditetom, žrtve porodičnog nasilja i građani koji žive ispod linije siromaštva. U vezi sa dostavljenom inicijativom, Vlada Federacije Bosne i Hercegovine donijela je Zaključak V.broj: 1228/2023 od 21.09.2023. godine.

DOKAZ: Uvid u Inicijativu, Zaključak Vlade Federacije Bosne i Hercegovine i Molbu za održavanje sastanka, objavljene na web stranici ministarstva www.fmrsp.gov.ba, u obavijesti pod naslovom [Hornologija – Javni konkurs za finansiranje projekata i programa iz sredstava dijela prihoda ostvarenih u Budžetu FBiH po osnovu naknada za priređivanje igara na sreću](#)

Nakon sveobuhvatne analize i konsultacija u Ministarstvu donijeli smo odluku koju smo smatrali i još uvijek smatramo ispravnom, da se poništi Javni konkurs i objavi ponovni, kako bismo, između ostalog, istestirali uticaj Uredbe o izmjenama i dopunama Uredbe na podnošenje prijava.

S obzirom da je veliki broj aplikacija dostavljenih na poništeni Javni konkurs sadržavao nedostatke tehničke prirode, procijenili smo da je neophodno donijeti nove upute za aplikante, te je Ministarstvo prije raspisivanja ponovnog Javnog konkursa, u skladu sa Uredbom, donijelo nove Upute za podnošenje prijava na Javni konkurs za finansiranje projekata i programa iz sredstava dijela prihoda ostvarenih u Budžetu Federacije Bosne i Hercegovine po osnovu naknada za priređivanje igara na sreću broj: 07-02/3-1942-1/23 od 23.05.2023. godine, koje su odmah po njihovom donošenju dostavljene Federalnom ministarstvu finansija, te objavljene na web stranici Ministarstva. Navedenim Uputama je prepoznat problem velikog broja aplikacija sa tehničkim nedostacima koji je nastao kao posljedica stupanja na snagu pomenute Uredbe o izmjenama i dopunama Uredbe, te je Uputama predviđena mogućnost otklanjanja formalnih nedostataka kao što su nedostatak potpisa ili pečata, izostavljanje određenog podatka, te pojašnjenje određenih nejasnoća u dostavljenoj dokumentaciji.

DOKAZ: Uvid u Upute o za podnošenje prijava na Javni konkurs za finansiranje projekata i programa iz sredstava dijela prihoda ostvarenih u Budžetu Federacije Bosne i Hercegovine po osnovu naknada za priređivanje igara na sreću broj: 07-02/3-1942-1/23 od 23.05.2023. godine, objavljene na web stranici ministarstva www.fmrsp.gov.ba, u obavijesti pod naslovom [Hornologija – Javni konkurs za finansiranje projekata i programa iz sredstava dijela prihoda ostvarenih u Budžetu FBiH po osnovu naknada za priređivanje igara na sreću](#)

Na osnovu navedenog, Ministarstvo je dana 24.05.2023. godine, raspisalo ponovni Javni konkurs za finansiranje projekata i programa iz sredstava dijela prihoda ostvarenih u Budžetu Federacije Bosne i Hercegovine po osnovu naknada za priređivanje igara na sreću.

DOKAZ: Uvid u objavu ponovnog Javnog konkursa za finansiranje projekata i programa iz sredstava dijela prihoda ostvarenih u Budžetu Federacije Bosne i Hercegovine po osnovu naknada za priređivanje igara na sreću, objavljenog na web stranici ministarstva www.fmrsp.gov.ba, u obavijesti pod naslovom [Hornologija – Javni konkurs za finansiranje projekata i programa iz sredstava dijela prihoda ostvarenih u Budžetu FBiH po osnovu naknada za priređivanje igara na sreću](#)

Radi postizanja većeg nivoa transparentnosti u vezi sa provođenjem postupka, Ministarstvo se aktima broj: 07-11/13-1963/23 od 05.06.2023. godine, obratilo Centrima civilnih inicijativa i Transparency International Sarajevo, te zatražilo da predlože svoje članove radi imenovanja u Komisiju za ocjenu formalne ispravnosti zahtjeva podnesenih na ponovni Javni Konkurs. Dakle, Ministarstvo je od samog

početka provođenja pomenute procedure postupalo sa namjerom da se u cijelom postupku, pored zakonitosti, osigura i što veći stepen transparentnosti, uključivanjem i nevladinog sektora u isti.

DOKAZ: Uvid u akte Ministarstva upućene CCI-u i Transparency Internationalu Sarajevo, te odgovor Transparency International Sarajevo, objavljen na web stranici ministarstva www.fmrsp.gov.ba, u obavijesti pod naslovom [Hornologija – Javni konkurs za finansiranje projekata i programa iz sredstava dijela prihoda ostvarenih u Budžetu FBiH po osnovu naknada za priređivanje igara na sreću](#)

Naime, na ponovni Javni konkurs je pristiglo 195 prijava, od kojih je 147 ispunilo zahtjeve u pogledu formalne ispravnosti, dok je 48 zahtjeva ocijenjeno kao formalno neispravno, što je predstavljalo znatno veći broj formalno ispravnih zahtjeva u odnosu na ishod poništenog Javnog konkursa, gdje je podsjećanja radi samo 57 prijava bilo formalno ispravno. Veći broj formalno ispravnih aplikacija koje su zadovoljile uslove da pređu u narednu fazu ocjene i bodovanja predloženih projektata, je dokaz opravdanosti poništavanja prethodno objavljenog Javnog konkursa. Postupajući u skladu sa postupkom propisanim Uredbom i Uputama, Ministarstvo je nastavilo proceduru, te putem nadležne Komisije pristupilo ocjeni i bodovanju projekata, odnosno onih aplikacija koje su ispunile uvjete u pogledu formalne ispravnosti. Nakon što je nadležna Komisija za ocjenu i bodovanje predloženih projekata okončala svoj rad, utvrđeno je da je od pomenutih 147 aplikacija, njih 68 prešlo potrebni prag bodovanja, te je za iste predložena raspodjela sredstava. S tim u vezi, Ministarstvo je pripremlilo Prijedlog odluke o raspodjeli sredstava, odnosno o utvrđivanju liste korisnika i raspodjeli dijela prihoda ostvarenih po osnovu naknada za priređivanje igara na sreću, te isti u skladu sa odredbama Poslovnika o radu Vlade Federacije Bosne i Hercegovine – prečišćen tekst („Službene novine Federacije BiH“, br. 6/10, 37/10, 62/10, 39/20 i 67/21), dostavilo Federalnom ministarstvu finansija i Uredu Vlade Federacije Bosne i Hercegovine za zakonodavstvo i usklađenost sa propisima Europske unije, radi davanja mišljenja.

DOKAZ: Uvid u Prijedlog odluke dostavljen Federalnom ministarstvu finansija i Uredu Vlade Federacije Bosne i Hercegovine za zakonodavstvo i usklađenost sa propisima Europske unije, objavljen na web stranici ministarstva www.fmrsp.gov.ba, u obavijesti pod naslovom [Hornologija – Javni konkurs za finansiranje projekata i programa iz sredstava dijela prihoda ostvarenih u Budžetu FBiH po osnovu naknada za priređivanje igara na sreću](#)

Na osnovu navedenog, Ured Vlade Federacije Bosne i Hercegovine za zakonodavstvo i usklađenost sa propisima Europske unije, kao organ nadležan za davanje mišljenja o usklađenosti prijedloga pravnih akata sa Ustavom, zakonima i pravnim sistemom, na dostavljeni Prijedlog odluke dao je mišljenje bez primjedbi u vidu usklađenosti sa zakonom, dok je Federalno ministarstvo finansija dostavilo mišljenje sa određenim primjedbama koje su se odnosile na postupak objave ponovnog Javnog konkursa i donošenje Uputa, dok u dijelu raspodjele sredstava, za što je Federalno ministarstvo finansija i nadležno, isto nije imalo bilo kakve primjedbe. Naime, prema pomenutom Poslovniku o radu Vlade Federacije Bosne i Hercegovine, Ured Vlade Federacije Bosne i Hercegovine za zakonodavstvo i usklađenost sa propisima Europske unije daje mišljenje u pogledu usklađenosti prijedloga pravnih akata sa Ustavom, zakonima i pravnim sistemom, dok Federalno ministarstvo finansija daje mišljenje isključivo u

pogledu finansijskih sredstava potrebnih za izvršenje, za koje u svom mišljenju nije imalo primjedbi.

DOKAZ: Uvid u mišljenja Federalnog ministarstva finansija i Ureda Vlade Federacije Bosne i Hercegovine za zakonodavstvo i usklađenost sa propisima Europske unije, objavljena na web stranici ministarstva www.fmrsp.gov.ba, u obavijesti pod naslovom [Hornologija – Javni konkurs za finansiranje projekata i programa iz sredstava dijela prihoda ostvarenih u Budžetu FBiH po osnovu naknada za priređivanje igara na sreću](#)

Također, naglašavamo kako je očito da poništenjem prvog raspisanog Javnog poziva, niko nije oštećen, s obzirom da je svima pod jednakim uvjetima omogućeno da apliciraju po drugom objavljenom javnom pozivu, a postupak se pokazao opravdanim jer je veći broj aplikanta ušao u proceduru i prošao selekciju odabira, a što je krajnji cilj i svrha raspodjele ovih sredstava. S tim u vezi, ističemo kako smatramo da je Federalno ministarstvo finansija ušlo u ocjene koje ne bi trebalo biti predmet mišljenja koje daje u okviru svoje nadležnosti, te koje ranije u istim slučajevima nije razmatralo niti kod ovog, niti drugih ministarstava.

DOKAZ: Uvid u Izjašnjenje Ministarstva na mišljenje Federalnog ministarstva finansija, objavljeno na web stranici ministarstva www.fmrsp.gov.ba, u obavijesti pod naslovom [Hornologija – Javni konkurs za finansiranje projekata i programa iz sredstava dijela prihoda ostvarenih u Budžetu FBiH po osnovu naknada za priređivanje igara na sreću](#)

S obzirom da je Federalno ministarstvo finansija imalo i određene primjedbe tehničke prirode na sam tekst Prijedloga odluke, iste su prihvaćene, te je korigovani Prijedlog odluke o raspodjeli navedenih sredstava dostavljen Vladi Federacije Bosne i Hercegovine, radi razmatranja i donošenja.

DOKAZ: Uvid u prijedlog Odluke dostavljen Vladi Federacije BiH, objavljen na web stranici ministarstva www.fmrsp.gov.ba, u obavijesti pod naslovom [Hornologija – Javni konkurs za finansiranje projekata i programa iz sredstava dijela prihoda ostvarenih u Budžetu FBiH po osnovu naknada za priređivanje igara na sreću](#)

Imajući u vidu da je Federalno ministarstvo finansija imalo i određene primjedbe tehničke prirode na sam tekst Prijedloga odluke, iste su prihvaćene, te je korigovani Prijedlog odluke o raspodjeli navedenih sredstava dostavljen Vladi Federacije Bosne i Hercegovine, radi razmatranja i donošenja. Dostavljeni Prijedlog odluke nije nikada ni razmatran od strane Vlade Federacije Bosne i Hercegovine iz razloga što je Federalno ministarstvo finansija dalo negativno mišljenje, odnosno mišljenje sa primjedbama, čime je onemogućena konačna raspodjela sredstava. S tim u vezi, Ministarstvo se aktom broj: 07-11/13-1963/23 od 03.10.2023. godine, samoinicijativno obratilo Jedinici za budžetsku inspekciju Federalnog ministarstva finansija te zatražilo inspekcijski nadzor nad provođenjem postupka po ponovnom Javnom konkursu u Ministarstvu.

DOKAZ: Uvid u zahtjev Ministarstva upućen Jedinici za budžetsku inspekciju, objavljen na web stranici ministarstva www.fmrsp.gov.ba, u obavijesti pod naslovom

Hornologija – Javni konkurs za finansiranje projekata i programa iz sredstava dijela prihoda ostvarenih u Budžetu FBiH po osnovu naknada za priređivanje igara na sreću

Inspeksijski nadzor je okončan na način da je Ministarstvu naloženo da poništi odluku o poništenju Javnog konkursa za finansiranje projekata i programa iz sredstava dijela prihoda ostvarenih u Budžetu Federacije BiH po osnovu naknada za priređivanje igara na sreću broj: 07-11/14-717/23 od 15.05.2023. godine, da poništi Javni konkurs za finansiranje projekata i programa iz sredstava dijela prihoda ostvarenih u Budžetu Federacije BiH po osnovu naknada za priređivanje igara na sreću broj: 07-11/13-1963/23 od 24.05.2023. godine, te da poništi Pravilnik o provođenju postupka i načinu raspodjele prihoda ostvarenih po osnovu naknada za priređivanje igara na sreću broj: 07-02/3-1942/23 od 23.05.2023. godine i Upute za podnošenje prijave na Javni konkurs za finansiranje projekata i programa iz sredstava dijela prihoda ostvarenih u Budžetu Federacije BiH po osnovu naknada za priređivanje igara na sreću broj: 07-02/3-1942-1/23 od 23.05.2023. godine, što je i učinjeno.

Također, u skladu s Budžetom Federacije Bosne i Hercegovine za 2023. godinu („Službene novine Federacije BiH“, br. 6/23 i 85/23) Vlada Federacije Bosne i Hercegovine je na 22. sjednici održanoj 12.12.2023. godine donijela Odluku o usvajanju programa utroška sredstava sa kriterijima raspodjele sredstava tekućih i kapitalnih transfera utvrđenih Budžetom Federacije Bosne i Hercegovine za 2023. godinu Federalnom ministarstvu rada i socijalne politike („Službene novine Federacije BiH“, broj: 97/23). U skladu s navedenom Odlukom, između ostalog, utvrđen je način raspodjele sredstava s pozicije Tekućeg transfera neprofitnim organizacijama – Transfer za sufinansiranje rada, programa i projekata socijalne zaštite, u dijelu koji se odnosi na zadovoljavanje egzistencijalnih potreba socijalno ugroženog stanovništva. Svrha ovog programa je upravo podrška radu javnih kuhinja kroz osiguranje ishrane u javnih kuhinjama i za isti je osigurano ukupno 350.000,00 KM. S tim u vezi, Federalno ministarstvo rada i socijalne politike potpisalo je ugovore sa predstavnicima 18 javnih kuhinja koje djeluju na području Federacije BiH

Na kraju ističemo, da je cjelokupna situacija u vezi sa provođenjem pomenutog Javnog konkursa u najvećem dijelu rezultat donošenja pomenute Uredbe o izmjenama i dopunama Uredbe, koju je donijela prethodna Vlada, a kojim je, između ostalog, ukupan iznos pomenutih sredstava koji ovo Ministarstvo dodjeljuje za zadovoljavanje potreba lica sa invaliditetom u smislu poboljšanja životnih uslova i rada njihovih organizacija, umanjen za 30% što u praksi predstavlja iznos od oko 1,2 miliona KM, te je isti raspoređen za finansiranje projekata iz oblasti kulture i sporta. Ne sporimo da treba ulagati i u razvoj tih oblasti, ali smatram da bi prioritet ipak trebali biti projekti namijenjeni osobama, posebno djeci sa invaliditetom. U vezi sa navedenim pitanjem Ministarstvo je uputilo više inicijativa Vladi Federacije Bosne i Hercegovine i Federalnom ministarstvu finansija, kako bi se izmijenio model raspodjele sredstava od igara na sreću na nadležna ministarstva, u korist najugroženijih kategorija našeg društva.

S poštovanjem,

Dostavljeno:

- naslovu
- a/a

